



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1859**

CXXXII. Heinrich von Arnstede verkauft dem Domstifte zu Tangermünde  
Hebungen aus Demker wiederkäuflich, am 2. April 1473.

---

---

**Nutzungsbedingungen**

[urn:nbn:de:hbz:466:1-54934](https://nbn-resolving.org/urn:nbn:de:hbz:466:1-54934)

Im dorff Gore auer Meynickens hof vnd huben ein scheffel arbeyten, zu Tangermund auer eine halbe dobrentzsche huben funff scheffel gersten minus I virt, dy heyne halz plach to ackern, mit allen gnaden vnd gerechtikeyten, Item auer ein kalbuische hube XXI scheffel roggen vnd XXI scheffel gersten, Item auer ein kalbuische hube VI scheffel roggen vnd VI scheffel gersten. Item Im dorff zu Bellinge auer Boldeckens hofe vnd huben IX scheffel roggen, IX scheffel gersten vnd I scheffel arbeyten, Item ein verlegen stuck halb rogge vnd halb gersten, durch In geacht Jerlich vff XVIII scheffel. Item Im dorff zcw haffell vnd Sanne funff brandenburgisch pfunt pfenninge, zu zinz vnd holtz pfenning, Item auer I Bobrentzsche hube vir scheffel an ein virt gersten, dy Meus, Schulten haußfrau, verlipgedingt ist. Im dorff zu Gropelene funff huner vnd dufters Werder halb, geacht auff ein virteil vom stucke, Item ein Wisen, vff der Buckischen marck gelegen, geacht auff ein stuck. Hat solch gutter dy helfft empfangen, so Im von seinen bruder angestorben sind, dabit czu lehenwar VIII gulden. Actum Tangermund, am dinstag nach Exaudi, Im LXXXIII.

Nach dem Churm. Lehnscopialbuche des K. Geh. Rath.-Archives XI, 92.

CXXXII. Heinrich von Arnstede verkauft dem Domstifte zu Tangermünde Gebungen aus Demker wiederkäuflich, am 2. April 1473.

Ik Hinrik von Arnstede, wonhaftlich ym dorpe to Demker, bekenne vnde betuge in dissem openen brise vor my vnde myne rechten eruen vnde nakomen, dat ik mit weten vnde Fulbord myner bröder Busse, Hans vnde bertrammes, alle genant von Arnstede, recht vnde redeliken to eynem wedderkope vorkofft hebbe vnde vorkope, in kraft disses brises, den werdigen vnde Erhaftigen proveste vnde Cappitele der Cappellen sunte Johann Baptisten vnde sunte Johannis Ewangelisten, up der borg tangermunde ghelegen, vnde oren nakomen eyne mark penninge Stendelscher weringe jerliker tynse in vnde over mynen hof vnde housen, to Demker ghelegen, den ik nu tor tid sulvest bewone vnde bedrife, vnde over alle des genannten mynes hofes tobehoringe, acker, wischen, holte vnde grefinge, wu men dey mit namen benennen mach, nichtes uthgenomen, vor achte vnde twintich gude gankhaftige rynsche gulden, dey my de gnannte Hern, Provest vnde Cappittel an hereyden gholde wol to danke getalt vnde betalet hebben, de ik von öne in örem cappittelhuse ok entphangen, vnde in mynen vnde in myner erven nüd vnde fromen kundlick ghekart vnde ghewennt hebbe. De oven geschrefene mark jerliker renthe, de obgenante Hern vnde Cappittel vnde ore nakomen in, up, an vnde over den gnanten mynen hoff vnde housen vnd over alle des gnanten hofes tobehoringen to Demker hebben vnde so danne mark tynses ik vorgegannte Hinrik von Arnstede vnde myne erven vnde nakomen, vnde de ienne, dey den sulvigen genannten mynen hoff in tokomenden tyden besitten vnde innehebben werden, dem genannten Cappitele alle Jar up sinte Martens dach vnvortogert geven willen vnde in der stat Tangermunde betalen schollen, vnbekummert aller gerichte, geistliken vnde wertliken, vnde ane Indracht, behelp vnde gefehrde. Vnde ik vorbenomede Hinrik von Arnstede sette dey suluen Hern Prouest vnde cappittel sulker vorgegannten tynse in eyne rowelike, nullike vnde hebbende were, in kraft disses bryses. Vnde ik vorgegannte Henrik von Arnstede vnde myne erven vnde na-

komen, besittere des gnanen hofes to Demker, schullen vnde willen den vorbenomenden Hern proveste vnde Capittelle, wor one vnd ore nakomen des nod syn wert, vnde wan wy darto vormanet vnde gheefchet werden, des vorschreven Kopes vnd jerliker renthe vor eynem ydermanne, de recht geven vnde nemen willen, eyn recht ghewere sin ane alle ghefeherde, vnde de mehrgnanten heren, provest vnde Cappittel hebben vor sik vnde vor ore nakomen my, mynen erven vnde nakomen dy gunst vnde willen ghedan, dat wy de ovenegheschrefene Stendelsche Mark tynfes, welkes Jares wy willen, wedder kopen mögen. Vnde wen wy den wedderkop don willen, dat schullen vnde willen wy one tidliken vor der hilgen dryer konninghe daghe to vorn verkundigen, vnde denne des mandages in der ersten vullen weken, na dem Paschedaghe, negestfolgende na der vorkundinge, den vorbenomeden hern vnde Capittelle de ovenegheschrefene achte vnde twyntich gude ganghaftige ryfche gulden mit den gedageden tynfen vnde alle andere vorseten tynfe, af dar wat hinderstlich vnde vnbetalet bleven were, darto allen schaden, effte dy gnanten Hern vnde Cappittel von Infals edder von togeringe wegen der gnanten jerliken renthe, effte in wat wyse sye desles kopes halven schaden ghenomen hedden, vnvortoglik in der Stat Tangermunde in orem Cappittelhuse betalen willen vnde schullen, ombekummert aller gherichte, geistlik vnde wertlik, vnde ane Infage, behelp vnde ghefeherde. Vnde wan wy one de betalinge also ghedan hebben, so schullen sy vnns denne der vorgnanten tynfe wedder afreden vnde vnns dissen briff weddergheven, ane inhouden vnde ghefeherde. Alle vnde ichlike vorschrefenne Stucke, puncte vnde Artikele disses briefes rede vnde love ik vorgnante Hinrik von Arnstede, vor myck vnde myne erven vnde nakomen, sakewaldigen, dem vorgeschrefen Cappittel vnde oren nakomen stede, vaste vnde vnvorbroken to holdende. Vnde wy Clawes vnde Kone, brödere, genant dy Eikstede, to Eikstede vnde Hans von Runtorpe, to Runtorp wonhaftich, alle borgen vnde truwe medelovere, reden vnde loven mit wolbedachten mude, vnne bede willen des ergnanten Hinrik von Arnstede, den vorschrefen Hern vnde Capittelle mit eyner samenden hant glike sakewaldich, alle vorschrefene puncte vnde artikele disses briefes vnde eyn jewelk befunderen, stede, vaste vnde vnvorbroken to holden, sunder jennigerleye hulperede. Forder love ik velegnante Hinrik von Arnstede mit mynen erven vnde nakomen, vnde wy vorbenomen truwen medelovere, vnde borgen reden ok vnde loven, effte ymant von vnns borgen dodeshalven afginge, dat got lange friste, dat wy vorgnanten borgen, dy danne noch an dem levende sint, mit hulpe Hinrik von Arnstede vnde syner erven, wan wy von dem Capittelle dar to geeyfchet werden, bynnen veer weeken darna eynen andern nuchastigen borgen, in des vorstorven borgen Stede, so vaken als des wert not sin, onvortoglik schicken vnde setten schullen vnde willen, die denne in synem fundergen vorsegelden brife, alle stucke, puncte vnde artikele disses briefes, glik vns, stede vnde vnvorbroken to holdende dem vorgenometen Capittelle vnde oren nakomen wittastigen vorschrefen vnde louen schal. Dissem fulven hovetbrefe doch in allen artikelen vnschedelik. To groter bekantnisse hebbe ik vorgnante Hinrik von Arnstede, to Demker wonhaftich, sakewaldich, vor my, vor myne rechten erven vnde nakomen myn Inghefel ghehangen an dessen brife vnde wy vnaten Clawes vnde Kone, brodere, genant de von Eikstede, wonhaftig to Eikstede, vnde Hans von Runtorpe, wonhaftich to Runtorpe, borgen vnde truwe medelovere, hebben wiliken vnne Inghefele by des vorgnante Hinrik von Arnstede figele nedden an dissem briff hengen laten. De gegeven is na Christi vnfers hern gebort vertheinhundert Jar, darna in dem dry vnde seventygeften Jare, am Fridage negestfolgende na dem Sondage Letare Jerusalem etc.